

Ranya Atuq

El zorro dañino

Afianzamiento de Lectura Quechua
Serie de *Kiliksa*

4

Quechua de Huamalíes – Dos de Mayo, Huánuco

Adaptado del cuento escrito por:

Amador Tucto Ramírez

Ilustrador: William Huasco E.




Unayshi juk awkin
chakwanlanwan jalqacho tarqan.



Paykunapa uyshankunashi karqan
qanchisla. Chakwannin
yanukushqanyaqshi uyshanta
misikuykarqan awkin.



Awkin chaqchar jamaraykaptinshi
elaqpita uyshanman atuq
yuriparkurqan.



Awkinpashi jatunkaray yaqa alqun
karqan. Saycho punuykarpis
manashi atuqta mayaykurqansu.



Sayshi atuqta rikärir awkinga
alqunwan kanisirqan.




Kanisiptinpis manashi atuqta
kanirqansu. Rikaraylashi
rikararqan.



Sayyaqshi atuqqa uysha malwata
jinalancho wanuskasir mikur
qalaykurqan.




Sayno mikuykaptinshi awkin
aywarqan qeruta aptakurkur atuqta
wanusinanpaq.



Manaraq wiruptinshi malwata
shawatakurkur atuq qeshpir
aywakurqan machayman.



Atuqta mana wanuykasirshi
alqunta senqacho wiruykurqan
wanuqpaq.



Nirkurnashi awkin aywarqan
wayinpa, chakwanninta
wilananpaq.



Wilaykuptinshi chakwannin
waqarqan uysa malwanpaq.



Saypita atuq yaykushqan machay
punkuman aywaykurshi
rupasiyarqan oqshatawan usuta
saycho qoshquywan atuq
wanunanpaq.



Chakwanwan awkin sayno
qoshniykäsiyaptinshi uchkupita
atuq yarquriykur qeshpir
aywakurqan.



Sawraqa say ranya atuq
mikuyninpashi lapan uyshan
ushakarqan.

Asociación Cristiana JAWCA
Pasaje San Mateo, Lote 05
La Esperanza – Amarilis
Huánuco – Perú – 2016
RUC: 20404799534